

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 2 DISEMBER 2013, PUKUL 10.00 PAGI

Bil. 48

PERTANYAAN-PERTANYAAN BAGI JAWAB LISAN

1. PR-1313-L57746
Tuan Haji Hasbi bin Haji Habibollah [Limbang] minta **PERDANA MENTERI** menyatakan dapatkah Kementerian mempertimbangkan untuk melaksanakan pembinaan projek-projek perumahan seperti Projek Perumahan Rakyat 1Malaysia (PR1MA) di bandar-bandar kecil seperti Limbang.
2. PR-1313-L58869
Dato' Mohd Ariff Sabri bin Abdul Aziz [Raub] minta **MENTERI PERTANIAN DAN INDUSTRI ASAS TANI** menyatakan adakah Kementerian mempunyai cadangan untuk membangunkan industri akuakultur untuk ternakan ikan perhiasan memandangkan daerah Raub mempunyai sumber untuk menyokong industri ini. Raub ada bekalan air sungai yang berkualiti dan permukaan bumi yang baik dan terdapat juga ikan perhiasan seperti arowana dan kelah:-
 - (a) adakah terdapat usaha membantu penanam durian mutu tinggi memasarkan hasil mereka ke negara China; dan
 - (b) adakah pihak Kementerian sedar mengenai rungutan usahawan industri asas tani mengenai penyampaian bantuan khidmat dan kemudahan yang disekat-sekat dan adakah beliau sedar terdapat pegawai pertanian yang menggunakan kedudukan menyekat penyampaian bantuan Kerajaan yang banyak itu.
3. PR-1313-L58990
Puan Mas Ermieyati binti Samsudin [Masjid Tanah] minta **MENTERI TENAGA, TEKNOLOGI HIJAU DAN AIR** menyatakan status Pelan Tindakan Kecekapan Tenaga Nasional yang sedang dikemaskinikan dan dimaklumkan akan dibentangkan kepada kabinet pada akhir suku ketiga tahun 2013 seperti jawapan yang dikemukakan di sesi parlimen pada bulan Jun 2013.
4. PR-1313-L57132
Dato' Takiyuddin bin Hassan [Kota Bharu] minta **PERDANA MENTERI** menyatakan kedudukan Malaysia mengikut Indeks Persepsi Rasuah (*Corruption Perceptions Index*).

5. PR-1313-L58272
Datuk Ikmal Hisham bin Abdul Aziz [Tanah Merah] minta **MENTERI PENDIDIKAN** menyatakan apakah Kementerian berhasrat memberi lebih banyak keistimewaan kepada guru-guru yang bersedia berkhidmat di kawasan pedalaman.
6. PR-1313-L58701
Dr. Ong Kian Ming [Serdang] minta **MENTERI KEWANGAN** menyatakan nilai dan kadar pemilikan saham yang disenaraikan di Bursa Saham Kuala Lumpur untuk Bumiputera Sabah dan Sarawak.
7. PR-1313-L57611
Tuan Haji Mohd Fasih bin Haji Mohd Fakeh [Sabak Bernam] minta **MENTERI DALAM NEGERI** menyatakan tindakan Kerajaan khasnya Polis Diraja Malaysia (PDRM) ke atas ahli kongsi gelap dan bekas tahanan Ordinan Darurat (EO) yang melarikan diri ke luar negara berikutan pelaksanaan Ops Cantas semenjak 17 Ogos 2013 lalu dan nyatakan langkah kerjasama dengan Interpol.
8. PR-1313-L58209
Raja Dato' Kamarul Bahrin Shah [Kuala Terengganu] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah yang diambil untuk membantu dan melindungi peniaga-peniaga kedai runcit kecil tempatan dari persaingan pasar raya besar dan antarabangsa.
9. PR-1313-L57967
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan langkah yang akan dilaksanakan dalam program Generasi Muda Pekebun Kecil (GeMPeK) untuk menarik minat belia menceburi bidang pertanian di luar bandar dan apakah perancangan Kementerian melalui agensinya seperti RISDA menjelang 2020.
10. PR-1313-L57652
Tuan Sim Chee Keong [Bukit Mertajam] minta **MENTERI KEWANGAN** menyatakan jumlah hutang bagi isi rumah biasa, isi rumah ibu/bapa tunggal, nyatakan sama ada ibu atau bapa, dan hutang individu yang berumur 30 tahun dan ke bawah. Sila juga nyatakan peratusan isi rumah dan anak muda 30 tahun dan ke bawah yang berpendapatan RM3,000 dan ke bawah, RM1,500 dan ke bawah serta RM1,000 dan ke bawah.
11. PR-1313-L57461
Datuk Chua Tee Yong [Labis] minta **MENTERI KEWANGAN** menyatakan status permohonan BR1M tahun 2013 untuk penduduk Kampong Orang Asli Tamok di kawasan Parliamen Labis di mana sebanyak 68 buah keluarga masih belum menerima bantuan tersebut.

12. PR-1313-L58811
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa jumlah kes perceraian dalam negara mengikut kumpulan kaum dan pendapatan keluarga setakat ini dan langkah bagi menangani kadar perceraian yang tinggi khususnya di kalangan pasangan muslim.
13. PR-1313-L57665
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan usaha-usaha yang dilakukan Kerajaan bagi membantu pertumbuhan usahawan belia bumiputera di dalam usaha dan Pelan Pemerkasaan Ekonomi Bumiputera.
14. PR-1313-L58784
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan :-
- (a) sama ada Kerajaan masih serius untuk melaksanakan pembangunan Kawasan Ekonomi Koridor Timur (ECER); dan
 - (b) apakah pencapaian ECER sejak dimulakan sehingga kini daripada segi pembangunan fizikal, peluang pekerjaan dan pendapatan rakyat.
15. PR-1313-L59074
Tuan Haji Ahmad Lai bin Bujang [Sibuti] minta **MENTERI PENDIDIKAN** menyatakan :-
- (a) adakah pihak Kerajaan akan menambah projek pembinaan sekolah, asrama dan kuarters guru berasaskan Industrial Building System (IBS) untuk negeri Sarawak pada tahun 2014, 2015; dan
 - (b) adakah pihak Kerajaan dapat mempertimbangkan untuk mengutamakan pelaksanaan Projek Bina Semula Sekolah Kurang Murid dan kuarters guru berasaskan IBS di Parlimen Sibuti.
16. PR-1313-L57622
Tuan Gobind Singh Deo [Puchong] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kementerian mempunyai statistik jumlah ibu tunggal di kawasan Parlimen Puchong dan apakah langkah-langkah Kementerian untuk membantu mereka ini yang selalunya tidak berupaya bekerja disebabkan perlu menjaga anak-anak mereka.
17. PR-1313-L58177
Dato' Wira Othman bin Abdul [Pendang] minta **MENTERI PERTANIAN DAN INDUSTRI ASAS TANI** menyatakan :-
- (a) adakah Kementerian sedar bahawa benih padi yang dijual kepada petani-petani di negeri Kedah rendah mutunya; dan

- (b) adakah Kementerian akan memberikan peluang yang lebih besar kepada Persatuan-Persatuan Peladang MADA untuk mengedarkan benih padi pada masa hadapan kerana buat masa ini hanya sebahagian kecil sahaja benih padi diedarkan oleh Persatuan Peladang MADA.
18. PR-1313-L58994
Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan hasil lawatan dan penyelidikan yang diperoleh daripada program diskusi isu penguatkuasaan dan pendakwaan undang-undang syariah di Wilayah Aceh.
19. PR-1313-L57804
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan apakah rasionalnya penundaan projek Rapid Pengerang yang bernilai RM63 billion sedangkan projek ini bakal mempercepatkan pertumbuhan negara kita ke arah negara maju 2020 dan penempatan tenaga kerja teknikal dan profesional tempatan yang ramai.
20. PR-1313-L57195
Dr. Che Rosli bin Che Mat [Hulu Langat] minta **MENTERI KEWANGAN** menyatakan :-
- (a) apakah peranan dan sumbangan Cradle Fund Sdn Bhd (Cradle) sebagai pemangkin kemajuan negara; dan
- (b) berapakah jumlah dana yang telah digunakan dan syarikat yang menerima dana-dana tersebut semenjak penubuhannya.
21. PR-1313-L57983
Dato' Wira Mohd Johari bin Baharom [Kubang Pasu] minta **MENTERI KEWANGAN** menyatakan tentang perkembangan kempen penyimpanan melalui Sijil Simpanan Premium (SSP) semenjak tahun 2000-2012. Nyatakan apakah strategi kempen yang telah dilakukan oleh pihak BSN dan kesannya terutamanya di kalangan orang-orang muda.
22. PR-1313-L58455
Tuan Haji Mohd Rafizi bin Ramli [Pandan] minta **MENTERI DALAM NEGERI** menyatakan jumlah tangkapan yang telah dibuat di seluruh negara bagi tahun 2011 dan 2012 di bawah kesalahan menjual atau berurusan barang curi, berapa jumlah rampasan, senarai nama pasar-pasar yang dikenali menjadi tempat menjual barang curi dan langkah-langkah pihak polis untuk mengekang pasaran barang curi ini.

23. PR-1313-L59045
Dato' Shamsul Anuar bin Haji Nasarah [Lenggong] minta **MENTERI PELANCONGAN DAN KEBUDAYAAN** menyatakan :-
- (a) bilangan terkini pelancong yang datang ke negara ini mengikut negara dan nyatakan usaha yang dilakukan bagi memastikan kehadiran pelancong mencapai sasaran bagi Tahun Melawat Malaysia 2014; dan
 - (b) nyatakan produk atau acara pelancongan yang diminati oleh pelancong di negara ini dan apakah usaha Kementerian membangunkan produk pelancongan di Malaysia.
24. PR-1313-L58735
Tuan Lim Lip Eng [Segambut] minta **MENTERI KEWANGAN** menyatakan berapa banyak simpanan rizab setiap Kerajaan Negeri dan Kerajaan Persekutuan setiap tahun bermula 2008 sehingga 31 Disember 2012. Apakah kaedah-kaedah rizab Kerajaan Persekutuan disimpan dan langkah-langkah diambil untuk meningkatkan rizab Kerajaan Persekutuan.
25. PR-1313-L57865
Datuk Ahmad Jazlan bin Yaakub [Machang] minta **MENTERI PERTAHANAN** menyatakan langkah Kementerian bagi membantu membaik pulih dan menyediakan rumah baru untuk veteran tentera menerusi Program Mambaikpulih Rumah Veteran 1Malaysia (1MVHR) dan nyatakan bilangan vateran yang menerima manfaat daripada program berkenaan.
26. PR-1313-L57428
Dato' Haji Mahfuz bin Omar [Pokok Sena] minta **MENTERI PERTAHANAN** menyatakan apakah keputusan Kerajaan dalam pembelian pesawat tempur pelbagai guna (*multi role combat aircraft*) apakah jenis pesawat yang akan dibeli dan berapakah harga serta syarikat pembekal.
27. PR-1313-L58162
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan apakah ada kajian dilakukan Kerajaan untuk memperkenalkan konsep *help-to-buy scheme* (seperti yang dilakukan di United Kingdom) khusus untuk membantu rakyat memiliki rumah mampu milik dalam masa terdekat ini.
28. PR-1313-L57653
Tuan Sim Tze Tzin [Bayan Baru] minta **MENTERI KEWANGAN** menyatakan :-
- (a) sebab-sebab biasiswa yang diperuntukkan di bawah 1Malaysia Development Berhad (1MDB) untuk pelajar-pelajar lepasan Chinese Independent High School diberhentikan; dan
 - (b) berapa orang yang telah menerima biasiswa tersebut dan jumlah peruntukan yang telah diberi sejak mulanya biasiswa sehingga sekarang.

29. PR-1313-L58265
Dato' Sri Liow Tiong Lai [Bentong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan program-program yang dilaksanakan untuk menanam pokok-pokok teduhan di seluruh negara dan usaha yang dijalankan untuk menggalakkan program kitaran semula (*recycling*) di seluruh negara dan keberkesanannya.
30. PR-1313-L57477
Tuan Jeff Ooi Chuan Aun [Jelutong] minta **MENTERI KEWANGAN** menyatakan apakah halangan yang telah melengahkan penguatkuasaan Cukai Barangan dan Perkhidmatan (GST) setakat ini. Adakah ianya kerana sistem dan jentera belum bersedia ataupun ianya satu perhitungan politik.
31. PR-1313-L58227
Dato' Hasbullah bin Osman [Gerik] minta **PERDANA MENTERI** menyatakan mengenai Lembaga Tabung Haji berkenaan berapakah kuota Haji yang diberikan oleh Kerajaan Arab Saudi untuk tahun 2012 serta 2013, berapakah bilangan jemaah menunaikan Haji secara muasasah serta pakej untuk tahun berkenaan dan kaedah pemilihan jemaah yang berjaya menunaikan fardhu haji tahun semasa.
32. PR-1313-L57734
Tuan Nga Kor Ming [Taiping] minta **MENTERI PERTAHANAN** menyatakan apakah pelan tindakan Kerajaan untuk meningkatkan ketelusan dan akauntabiliti Kementerian dalam pembelian senjata dan kelengkapan tentera Malaysia serta jumlah kos terlibat.
33. PR-1313-L58151
Tuan Che Mohamad Zulkifly bin Jusoh [Setiu] minta **MENTERI KESIHATAN** menyatakan bilangan doktor pakar warga tempatan yang bekerja di luar negara yang dibawa pulang untuk berkhidmat di negara ini dan nyatakan langkah Kementerian bagi membawa pulang lebih ramai tenaga pakar berkenaan.
34. PR-1313-L58328
Dato' Ahmad Fauzi bin Zahari [Setiawangsa] minta **MENTERI WILAYAH PERSEKUTUAN** menyatakan sudahkah pelaksanaan Draf Pelan Pembangunan Kuala Lumpur 2020 (Draf KL 2020) dilihat dan dikaji semula oleh Dewan Bandaraya Kuala Lumpur (DBKL) dan senaraikan bantahan yang ditimbulkan terhadap Draf KL 2020 itu.
35. PR-1313-L58952
Dato' Sri Azalina binti Dato' Othman Said [Pengerang] minta **MENTERI PENGANGKUTAN** menyatakan :-
- (a) apakah status pelaksanaan Projek Pendidikan Keselamatan Jalan Raya yang dilancarkan pada tahun 2007 bersama Kementerian Pendidikan, di mana kurikulum keselamatan jalan raya diterapkan ke dalam kurikulum sekolah rendah; dan

- (b) mengapakah projek ini yang sepatutnya dilanjutkan ke sekolah menengah, tetapi program latihan guru-guru sekolah menengah untuk menerapkan pendidikan keselamatan jalan raya dalam kurikulum sekolah menengah digantung dan oleh itu implementasi program ini di peringkat sekolah menengah tidak dapat dilaksanakan.
36. PR-1313-L57718
Tuan Seah Leong Peng [Telok Intan] minta **MENTERI SAINS, TEKNOLOGI DAN INOVASI** menyatakan jika kempen matlamat mengumpul 1 juta tandatangan yang bertemakan Kuburkan Lynas berjaya diperolehi, adakah Kerajaan Malaysia akan akur dengan kehendak rakyat dan menutup kilang Lynas.
37. PR-1313-L57550
Dato' Fauzi bin Abdul Rahman [Indera Mahkota] minta **MENTERI PENGANGKUTAN** menyatakan apakah perancangan Kementerian untuk memperkasakan Pelabuhan Kuantan yang terletak di kawasan Parlimen Indera Mahkota, memandangkan kawasan Persisiran Pasifik (*Pacific Rim*) adalah pusat pertumbuhan dunia di masa hadapan.
38. PR-1313-L57689
Dato' Ngeh Koo Ham [Beruas] minta **PERDANA MENTERI** menyatakan kedudukan perkahwinan di antara seorang bukan Islam dengan seorang Islam yang dilangsungkan secara sah (mengikut undang-undang negara perkahwinan itu dilangsungkan) dan datang atau balik bermastautin di Malaysia.
39. PR-1313-L58619
Tuan Manivanan a/l Gowindasamy [Kapar] minta **MENTERI KOMUNIKASI DAN MULTIMEDIA** menyatakan :-
- (a) berapakah jumlah kos perbelanjaan sambutan Hari Malaysia yang diadakan di Miri pada 16hb September 2013 mengikut agihan dan pecahan terperinci; dan
- (b) apakah pengisian dan pendekatan yang berguna dan bermanfaat kepada generasi muda dan belia yang dibuat oleh pihak Kementerian semasa program sambutan Hari Malaysia di Miri itu.
40. PR-1313-L57319
Tuan William Leong Jee Keen [Selayang] minta **PERDANA MENTERI** menyatakan kedudukan Kerajaan memperkasakan program Agenda Ekonomi Bumiputra diumumkan pada 14 September 2013 dengan syarat-syarat TPPA untuk meliberasasikan perniagaan tanpa sekatan.

41. PR-1313-L58424
Dato' Johari bin Abdul [Sungai Petani] minta **MENTERI PERTAHANAN** menyatakan berapakah jumlah Bekas Anggota Tentera Tak Berpencen kini, adakah Kerajaan bercadang untuk membantu mereka dengan memberikan elaun khas seperti Kupon Makanan Bulanan untuk satu tempoh masa agar dapat membantu mereka semasa menghadapi kesempitan hidup akibat harga barang yang makin meningkat.
42. PR-1313-L58072
Tuan Khoo Soo Seang [Tebrau] minta **PERDANA MENTERI** menyatakan apakah usaha Kerajaan ke arah urusan pelbagai permohonan secara online demi melicinkan proses permohonan serta kelihatan lebih telus dan adil daripada segi kelulusan atau penolakan permohonan.
43. PR-1313-L58563
Dato' Kamarudin bin Jaffar [Tumpat] minta **PERDANA MENTERI** menyatakan apakah rancangan-rancangan pembangunan untuk kawasan Tumpat yang sedang dan akan dilaksanakan melalui ECER.
44. PR-1313-L57840
Tuan Liew Chin Tong [Kluang] minta **MENTERI KEWANGAN** menyatakan jumlah peruntukan kewangan untuk subsidi diesel daripada tahun 2003 hingga 2013.
45. PR-1313-L58132
Datuk Raime bin Unggi [Tenom] minta **MENTERI TENAGA, TEKNOLOGI HIJAU DAN AIR** menyatakan status terkini projek penjanaan berkapasiti besar di Kimanis, iaitu Stesen Jana Kuasa SPR Energy (100 MW) dan Kimanis Power (285 MW) bagi memastikan masalah gangguan bekalan elektrik dan ketidakcukupan bekalan elektrik dapat diatasi di negeri Sabah.
46. PR-1313-L58337
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan kenapa Kementerian membelanjakan wang RM20 juta kepada McKinsey & Co. untuk yuran perundingan bagi Pelan Pembangunan Pendidikan Malaysia (PPPM). Apakah kelebihan perunding ini sehingga mengenyepikan kepakaran pendidik tempatan.
47. PR-1313-L59114
Tuan Karpal Singh [Bukit Gelugor] minta **MENTERI PENDIDIKAN** menyatakan apakah usaha dibuat untuk memperbaiki rekod corot universiti-universiti di negara ini untuk meletakkan universiti-universiti ini di tempat terkemuka di Asia.
48. PR-1313-L58017
Tuan Lim Guan Eng [Bagan] minta **MENTERI KEWANGAN** menyatakan macam mana ketirisan dan penyelewengan kewangan ditegah bila sistem tender terbuka secara kompetitif dan pendedahan umum kontrak dengan pihak swasta tidak dijalankan. Nyatakan jumlah kontrak yang diberikan setiap tahun sejak tahun 2000 oleh Kerajaan Persekutuan dan semua agensinya.

49. PR-1313-L58186
Dato' Seri Tiong King Sing [Bintulu] minta **MENTERI BELIA DAN SUKAN** menyatakan :-
- (a) adakah pihak Kementerian berhasrat untuk menambahkan lagi Gelanggang Rakyat (4 dalam 1) di setiap kawasan Parlimen dalam masa terdekat ini; dan
 - (b) adakah pihak Kementerian berhasrat untuk menjalankan kerja-kerja penambahbaikan Gelanggang Rakyat yang sedia ada dari segi keselamatan kepada penggunaanya.
50. PR-1313-L58698
Tuan Ignatius Dorell Leiking [Penampang] minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan telah membaca Laporan Inkuiri Nasional mengenai Hak Tanah Orang Indigeneous oleh SUHAKAM dan sama ada Kerajaan akan mengambil dan melaksanakan cadangan itu.
51. PR-1313-L58252
Dr. Noor Azmi bin Ghazali [Bagan Serai] minta **MENTERI PENGANGKUTAN** menyatakan apakah peranan Kerajaan untuk membangunkan industri penerbangan yang kompetitif. Berapakah syarikat penerbangan yang difikirkan sesuai untuk Negara bagi menjamin industri negara yang kompetitif, berdaya saing dan mampu memberikan perkhidmatan penerbangan yang terbaik untuk rakyat.
52. PR-1313-L57142
Dr. Ismail bin Daut [Merbok] minta **MENTERI KOMUNIKASI DAN MULTIMEDIA** menyatakan bagaimana Kementerian mengatasi masalah sukar mendapatkan siaran radio tempatan mahupun siaran nasional berbanding siaran dari negara jiran di sempadan Thailand dan Malaysia. Pihak Kementerian juga di harap dapat melakukan kajian yang menyeluruh supaya perkara tersebut dapat diatasi segera.
53. PR-1313-L57711
Tuan Rozman bin Isli [Labuan] minta **MENTERI KESIHATAN** menyatakan apakah statistik terkini jumlah pesakit mental di Malaysia dan apakah punca-punca utama berlaku peningkatan masalah sakit mental di kalangan masyarakat Malaysia.
54. PR-1313-L58799
Dato' Henry Sum Agong [Lawas] minta **MENTERI PENGANGKUTAN** menyatakan apakah persetujuan yang dicapai di antara Kerajaan Brunei Darussalam dan Malaysia berhubung pengangkutan penumpang, kargo, produk pertanian dan nelayan yang dibawa oleh rakyat Malaysia melalui jalan darat (*on transit*) sama ada dari Lawas, Limbang dan juga Sabah ke Miri dan sebaliknya untuk tujuan pemasaran.

55. PR-1313-L58592

Dato' Noraini binti Ahmad [Parit Sulong] minta **MENTERI PERDAGANGAN ANTARABANGSA DAN INDUSTRI** menyatakan hasil penerangan dan perbincangan dengan pihak-pihak yang berkepentingan di Negara ini mengenai faedah-faedah yang boleh diperolehi oleh Malaysia apabila mengambil bahagian dalam sesi perundingan TPPA di peringkat awal pembentukan TPP.

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (28 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama “
(Mencegah Penggunaan Tak Wajar)
(Pindaan) 2013

[Menteri di Jabatan Perdana Menteri]

8. (D.R. 10/2013) Rang Undang-undang Kanun Tatacara “
Jenayah (Pindaan) 2013

[Menteri di Jabatan Perdana Menteri]

9. (D.R. 12/2013) Rang Undang-undang Keterangan “
(Pindaan) 2013

[Menteri di Jabatan Perdana Menteri]

10. (D.R. 19/2013) Rang Undang-undang Fi (Jabatan Muzium “
Malaysia) (Pengesahan) 2013

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya “
(Pindaan) 2013

[Menteri Kesihatan]

12. Menteri Kewangan akan mencadangkan :

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. Menteri Kewangan akan mencadangkan :

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2013 yang dibentangkan di hadapan Majlis ini sebagai kertas statut bil. ST. 61 tahun 2013 disahkan.”

14. Menteri Kewangan akan mencadangkan :

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (1) Seksyen 11 Akta Kastam 1967 dan Seksyen 25 Akta Duti Timbal Balas dan Anti Lambakan 1993 supaya Perintah Duti Kastam (Barang-barang di bawah Perjanjian Perdagangan Keutamaan di kalangan Negara-Negara Anggota D-8) 2013 dan Perintah Kastam (Duti Anti-Lambakan) (No.3) 2013 yang dibentangkan di hadapan Majlis ini sebagai kertas statut bil.ST.100 dan ST.135 tahun 2013 disahkan.”

15. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

16. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8).

Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

17. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

18. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

19. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

20. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

21. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

22. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

23. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
CMD.48	Laporan Ketua Audit Negara Mengenai Penyata Kewangan dan Pengurusan Kewangan Kementerian / Jabatan Kerajaan Persekutuan Tahun 2012.	2 Disember 2013
CMD.49	Laporan Ketua Audit Negara Mengenai Aktiviti Kementerian / Jabatan dan Syarikat Kerajaan Persekutuan Tahun 2012 Siri 3.	2 Disember 2013
CMD.50	Laporan Ketua Audit Negara Mengenai Penyata Kewangan dan Pengurusan Kewangan Badan Berkanun Persekutuan Tahun 2012.	2 Disember 2013
CMD.51	Laporan Ketua Audit Negara Mengenai Aktiviti Badan Berkanun Persekutuan dan Pengurusan Syarikat Subsidiari Tahun 2012 Siri 3.	2 Disember 2013
CMD.52	Laporan Maklum Balas Ke Atas Isu-Isu Utama Dalam Laporan Ketua Audit Negara Mengenai Penyata Kewangan, Pengurusan Kewangan, Aktiviti Kementerian / Jabatan Serta Pengurusan Syarikat Kerajaan Persekutuan dan Aktiviti Badan Berkanun Persekutuan Dan Pengurusan Syarikat Subsidiari Bagi Tahun 2012 Siri 3.	2 Disember 2013
CMD.53	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Kedah Tahun 2012.	2 Disember 2013
CMD.54	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Johor Tahun 2012.	2 Disember 2013
CMD.55	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Kelantan Tahun 2012.	2 Disember 2013
CMD.56	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Melaka Tahun 2012.	2 Disember 2013

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.57	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Sembilan Tahun 2012.	2 Disember 2013
CMD.58	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Pahang Tahun 2012.	2 Disember 2013
CMD.59	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Perak Tahun 2012.	2 Disember 2013
CMD.60	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Perlis Tahun 2012.	2 Disember 2013
CMD.61	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Pulau Pinang Tahun 2012.	2 Disember 2013
CMD.62	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Sabah Tahun 2012.	2 Disember 2013
CMD.63	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Sarawak Tahun 2012.	2 Disember 2013
CMD.64	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Selangor Tahun 2012.	2 Disember 2013
CMD.65	Laporan Mengenai Penyata Kewangan Kerajaan Negeri dan Pengurusan Kewangan Jabatan/ Agensi Negeri Terengganu Tahun 2012.	2 Disember 2013
CMD.66	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Kedah Tahun 2012 Siri 3.	2 Disember 2013
CMD.67	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Johor Tahun 2012 Siri 3.	2 Disember 2013

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.68	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Kelantan Tahun 2012 Siri 3.	2 Disember 2013
CMD.69	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Melaka Tahun 2012 Siri 3.	2 Disember 2013
CMD.70	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Sembilan Tahun 2012 Siri 3.	2 Disember 2013
CMD.71	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Pahang Tahun 2012 Siri 3.	2 Disember 2013
CMD.72	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Perak Tahun 2012 Siri 3.	2 Disember 2013
CMD.73	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Perlis Tahun 2012 Siri 3.	2 Disember 2013
CMD.74	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Pulau Pinang Tahun 2012 Siri 3.	2 Disember 2013
CMD.75	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Sabah Tahun 2012 Siri 3.	2 Disember 2013
CMD.76	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Sarawak Tahun 2012 Siri 3.	2 Disember 2013
CMD.77	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Selangor Tahun 2012 Siri 3.	2 Disember 2013
CMD.78	Laporan Mengenai Aktiviti Jabatan / Agensi Dan Pengurusan Syarikat Kerajaan Negeri Terengganu Tahun 2012 Siri 3.	2 Disember 2013

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.61	Akta Eksais 1976 Perintah Duti Eksais (Pindaan) 2013 P.U (A) 296 yang diwartakan pada 26 September 2013	2 Disember 2013
ST.100	Akta Kastam 1967 Perintah Duti Kastam (Barang-barang di Bawah Perjanjian Perdagangan Keutamaan di Kalangan Negara-Negara Anggota D-8) 2013 P.U(A) 328/2013 yang diwartakan pada 31 Oktober 2013	2 Disember 2013
ST.135	Akta Duti Timbal Balas dan Anti Lambakan 1993 dan Akta Kastam 1967. Perintah Kastam (Duti Anti Lambakan)(No.3) 2013 P.U(A) 339/2013 yang diwartakan pada 15 November 2013	2 Disember 2013